

დაბა ჩაქვი,

02 სექტემბერი 2019 წელი

სახელმწიფო შესყიდვის განხორციელების მიზნით, „სახელმწიფო შესყიდვების შესახებ“ საქართველოს კანონის (მუხლი: 3, პუნქტი 1, „ს“ ქვეპუნქტი) და „გამარტივებული შესყიდვის კრიტერიუმები და გამარტივებული შესყიდვის ჩატარების წესის“ (მუხლი 2, „ა“ ქვეპუნქტი) შესაბამისად, აჭარის ავტონომიური რესპუბლიკის უმაღლესი საბჭო (შემდგომ - „შემსყიდველი“), წარმოდგენილი უმაღლესი საბჭოს აპარატის უფროსის ზურაბ ჭურგვიძის სახით, ერთი მხრივ და ფ/პ „სალომე შავაძე“ (შემდგომ - „მომსახურების გამწევი“), წარმოდგენილი, სალომე შავაძის სახით მეორე მხრივ, გამარტივებული შესყიდვის საშუალებით, ვაფორმებთ წინამდებარე ხელშეკრულებას შემდეგზე:

მუხლი 1. ტერმინთა განმარტებები

- 1.1. სახელმწიფო შესყიდვის შესახებ ხელშეკრულება (შემდგომ - ხელშეკრულება) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, ყველა თანდართული დოკუმენტით;
- 1.2. ხელშეკრულების ღირებულება - საერთო თანხა, რომელზედაც ვაფორმებულია ხელშეკრულება;
- 1.3. შემსყიდველი - ორგანიზაცია, რომელიც ახორციელებს შესყიდვას;
- 1.4. მომსახურების გამწევი (შემდგომ - „შემსრულებელი“) - პირი, რომელიც ახორციელებს მომსახურების გაწევას ხელშეკრულების ფარგლებში;
- 1.5. დღე, კვირა, თვე - კალენდარული დღე, კვირა, თვე;
- 1.6. შესყიდვის ობიექტი - ხელშეკრულების მე-2 ნაწილით გათვალისწინებული ხელშეკრულების საგანი.

მუხლი 2. ხელშეკრულების საგანი

წინამდებარე ხელშეკრულებით გათვალისწინებული პირობების შესაბამისად, ხელშეკრულების საგანს წარმოადგენს აჭარის ავტონომიური რესპუბლიკის უმაღლესი საბჭოს სარგებლობაში არსებულ შენობა-ნაგებობაში, **CPV-79932000** (მომსახურებები ინტერიერის დიზაინის სფეროში) კოდის ფარგლებში მოქცეული მომსახურებების (შემდგომ - „მომსახურება“) სახელმწიფო შესყიდვა, კერძოდ:

- სასესიო დარბაზის ინტერიერის დიზაინის შემუშავება;
- ფოტორეალისტური რენდერების შექმნა;
- შემუშავებული დიზაინის ავეჯის ნახაზით უზრუნველყოფა;
- მინიმუმ 5 (ხუთი) საავტორო ვიზიტის განხორციელება სამუშაოების მსვლელობისას;
- მოსაპირკეთებელი მასალების შერჩევაში რეკომენდაციებით უზრუნველყოფა.

მუხლი 3. მომსახურების გაწევის პირობები, ადგილი, ვადები და ღირებულება

- 3.1. მომსახურების განხორციელება უნდა მოხდეს, მხარეების მიერ ხელშეკრულებაზე ხელმოწერის დღიდან **2019 წლის 15 სექტემბრის ჩათვლით**;
- 3.2. მომსახურების გაწევა უნდა მოხდეს, მისამართზე: **ქ. ბათუმი, გორგასლის ქუჩა №37**;
- 3.3. ხელშეკრულების ჯამური ღირებულება შეადგენს **2950 (ორიათას ცხრას ორმოცდაათი) ლარს**;
- 3.4. დაგროვებითი საპენსიო სქემის თანხა შეადგენს **59 (ორმოცდაცხრამეტი) ლარს** ($2950 \times 2\% = 59$);
- 3.5. საშემოსავლო გადასახადის თანხა შეადგენს **578,2 (ხუთას სამოცდათვრამეტი ლარი და ოცი თეთრი) ლარს** ($2891 \times 20\% = 578,2$);
- 3.6. შემსრულებლის მისაღები კუთვნილი თანხა შეადგენს **2312,8 (ორიათას სამასთორმეტი ლარი და ოთხმოცი თეთრი) ლარს** ($2950 - 59 - 578,2 = 2312,8$);
- 3.7. ხელშეკრულების ჯამური ღირებულება მოიცავს გასაწევ მომსახურებასთან დაკავშირებულ ყველა თანმდევ ხარჯს, კანონმდებლობით დადგენილ ყველა გადასახადს, მოსაკრებელს. კანონმდებლობით დადგენილი გადასახადების გადახდას უზრუნველყოფს შემსყიდველი.

მუხლი 4. გასაწევი მომსახურების შესაბამისობა და მიღება-ჩაბარება

4.1. გასაწევი მომსახურება უნდა შეესაბამებოდეს შემსყიდველის მიერ მოთხოვნილ სტანდარტებს;

4.2. 4.1. პუნქტით გასათვალისწინებელი სტანდარტებიდან გამომდინარე ნებისმიერი გადახვევის შემთხვევაში, შემსყიდველი უფლებამოსილია არ მიიღოს გაწეული მომსახურება ან/და შემსრულებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები;

4.3. თუ შესყიდვის ობიექტი არ შეესაბამება ხელშეკრულების პირობებს, შემსყიდველი შემსრულებელთან ერთად ან მის გარეშე ადგენს აქტს დადგენილი წესის შესაბამისად;

4.4. გამოვლენილი დეფექტის ან ნაკლის აღმოფხვრის და ხელახლა კონტროლთან დაკავშირებული ხარჯების ღირებულების ანაზღაურება ეკისრება შემსრულებელს;

4.5. მომსახურება მიღებულად ჩაითვლება მხოლოდ მხარეებს შორის მიღება-ჩაბარების აქტის გაფორმების შემდეგ;

4.6. მიღება-ჩაბარების აქტი ფორმდება წერილობითი ფორმით, მხარეთა უფლებამოსილ წარმომადგენელთა ხელმოწერით.

მუხლი 5. ანგარიშსწორების ფორმა და ვადები

5.1. შემსრულებელთან ანგარიშსწორება განხორციელდება უნაღდო ანგარიშსწორების ფორმით, ლარში, **დანართი №1-ით განსაზღვრული** პერიოდის (კვარტალი) მიხედვით, წინამდებარე ხელშეკრულებაში მითითებული შემსრულებლის საბანკო რეკვიზიტების შესაბამისად;

5.2. შემსრულებელთან ანგარიშსწორება განხორციელდება ფაქტობრივად გაწეული და ჩაბარებული მომსახურების მოცულობის გათვალისწინებით, სათანადო საანგარიშსწორებო დოკუმენტების საფუძველზე, გაწეული მომსახურების წინამდებარე **ხელშეკრულების 4.1.-4.6.** პუნქტების შესაბამისად მიღების შემდეგ.

5.3. შემსრულებელი ვალდებულია უზრუნველყოს სათანადო საანგარიშსწორებო დოკუმენტების შემსყიდველისათვის ელექტრონული სახით წარდგენა, ხოლო შემსყიდველი ვალდებულია განახორციელოს ანგარიშსწორება საანგარიშსწორებო დოკუმენტების წარდგენის შემდეგ, მათი დადასტურებიდან **არაუგვიანეს 10 (ათი) სამუშაო** დღის ვადაში.

მუხლი 6. მხარეთა უფლება-მოვალეობანი

6.1. „შემსრულებელი“ ვალდებულია:

ა) გაუწიოს „შემსყიდველს“ მომსახურება დროულად, ამ ხელშეკრულებით გათვალისწინებული წესით და დადგენილ ვადებში შემსყიდველის მხრიდან რაიმე დამატებითი დანახარჯის გაწევის გარეშე;

ბ) შეტყობინების მიღებისთანავე უზრუნველყოს გაწეული მომსახურების ან/და საბოლოო შემოწმების შედეგად არაჯეროვნად გაწეული მომსახურების გამოსწორება შემსყიდველის მხრიდან რაიმე დამატებითი დანახარჯის გაწევის გარეშე.

გ) მასზედ, დაკისრებული გასაწევი მომსახურების კომპეტენციის ფარგლებში შესრულებული სამუშაოების ვიზუალურ დათვალიერებაზე გარდა ტექნიკურისა.

6.2. „შემსრულებელი“ იძლევა გარანტიას გაწეული მომსახურების ხარისხზე.

6.3. „შემსრულებელი“ უფლებამოსილია მოითხოვოს ფაქტობრივად გაწეული და მიღებული მომსახურების ღირებულების ანაზღაურება ხელშეკრულებით გათვალისწინებული წესით დადგენილ ვადებში.

6.4. „შემსყიდველი“ ვალდებულია გაწეული მომსახურების შესაბამისად გადაიხადოს მისი ღირებულება ხელშეკრულებით გათვალისწინებული წესით დადგენილ ვადებში.

6.5. „შემსყიდველი“ უფლებამოსილია:

ა) მოითხოვოს „შემსრულებლისაგან“ გასაწევი მომსახურებით უზრუნველყოფა დროულად, ხელშეკრულებით გათვალისწინებული წესით დადგენილ ვადებში, შემსყიდველის მხრიდან დამატებითი დანახარჯის გაწევის გარეშე;

ბ) მოითხოვოს „შემსრულებლისაგან“ გასაწევი მომსახურების ან/და საბოლოო შემოწმების შედეგად არაჯეროვნად გაწეული მომსახურების გამოსწორება, დამატებითი დანახარჯის გაწევის გარეშე;

გ) უარი თქვას მომსახურების მიღებაზე თუ გაწეული მომსახურება არ შეესაბამება წინამდებარე ხელშეკრულებით გათვალისწინებულ პირობებს.

მუხლი 7. მხარეთა პასუხისმგებლობა

7.1. წინამდებარე ხელშეკრულებით გათვალისწინებული პირობების არაჯეროვანი შესრულებისათვის, მათ შორის ვადების დარღვევის შემთხვევაში, ვადის გადამცილებელი მხარე ვალდებულია ყოველი გადაცილებული დღისათვის, მეორე მხარეს პირგასამტეხლოს სახით აუნაზღაუროს შესასრულებელი ვალდებულების შესაბამისი ღირებულების **0.02%-ი**.

7.2. წინამდებარე ხელშეკრულებით გათვალისწინებული პირობების შეუსრულებლობისათვის ან ნაწილობრივ შესრულების შემთხვევაში შემსრულებელი ვალდებულია პირგასამტეხლოს სახით აუნაზღაუროს შემსყიდველს ხელშეკრულების პირობების შეუსრულებლობისათვის ხელშეკრულების საერთო ღირებულების, ხოლო ნაწილობრივ შესრულების შემთხვევაში შესასრულებელი (დარჩენილი) ვალდებულების შესაბამისი ღირებულების **2%-ი**.

7.3. იმ შემთხვევაში, თუ ვადების გადაცილებით გადახდილი (ან გადასახდელი) პირგასამტეხლოს მთლიანი თანხა გადააჭარბებს ხელშეკრულების ჯამური ღირებულების **2%-ს**, მეორე მხარეს უფლება აქვს შეწყვიტოს ხელშეკრულება.

7.4. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

მუხლი 8. ხელშეკრულების პირობების შესრულების კონტროლი

8.1. „შემსყიდველს“ უფლება აქვს, თავისი წარმომადგენლ(ებ)ის მეშვეობით, ხელშეკრულების შესრულების ნებისმიერ ეტაპზე განახორციელოს ხელშეკრულების პირობების შესრულების კონტროლი, რაც გულისხმობს შემსყიდველის მიერ გასაწევი ან/და გაწეული მომსახურების ხარისხისა და ვალდებულების შესრულების ვადების დაცვის ხელშეკრულების მოთხოვნებთან შესაბამისობის კონტროლს.

8.2. ხელშეკრულების პირობების შესრულების კონტროლის განხორციელებაზე და შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირ(ებ)ს წარმოადგენს:

ზურაბ ჭურკვეიძე - აჭარის ა.რ. უმაღლესი საბჭოს აპარატის უფროსი.

როინ დავითაძე - აჭარის ა.რ. უმაღლესი საბჭოს აპარატის ლოჯისტიკისა და საფინანსო უზრუნველყოფის დეპარტამენტის უფროსი.

8.3. ხელშეკრულების პირობების შესრულების კონტროლის შედეგად ყველა გამოვლენილი ნაკლოვანების აღმოფხვრასთან და ხელახალ კონტროლთან დაკავშირებული ხარჯების ანაზღაურება ეკისრება შემსრულებელს, საქართველოს კანონმდებლობით დადგენილი წესით.

მუხლი 9. ხელშეკრულების ძალაში შესვლა და მოქმედების ვადები

9.1. ხელშეკრულება ძალაში შედის, მხარეთა მიერ ხელშეკრულებაზე ხელმოწერის დღიდან;

9.2. ხელშეკრულება მოქმედებს **2019 წლის 15 ოქტომბრის ჩათვლით**.

მუხლი 10. ზოგადი დებულებები

10.1. ხელშეკრულების პირობებში გადახრა ან ნებისმიერი ცვლილება უნდა გაფორმდეს წერილობით, ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად;

10.2. ნებისმიერი ცვლილება, რომელსაც მოჰყვება ხელშეკრულების ფასის ზრდა ან შემსყიდველისათვის პირობების გაუარესება, დაუშვებელია, გარდა საქართველოს **სამოქალაქო კოდექსის 398-ე** მუხლით გათვალისწინებული შემთხვევებისა;

10.3. გასაწევი მომსახურების ფასი ფიქსირებულია წინამდებარე ხელშეკრულებით და შეიძლება შეიცვალოს მხოლოდ მხარეთა ურთიერთშეთანხმებით;

10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს **5 (ხუთი)** კალენდარული დღით ადრე წერილობით ან კომუნიკაციის ელექტრონული საშუალებების გამოყენებით;

10.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე;

10.6. მხარეები თანხმდებიან, რომ:

ა) ურთიერთობები, რომლებიც არ იქნება რეგლამენტირებული წინამდებარე ხელშეკრულებით, უნდა დარეგულირდეს საქართველოს კანონმდებლობით;

ბ) წინამდებარე ხელშეკრულებით გათვალისწინებული საჯარიმო სანქციების გამოყენების

შემთხვევაში ხელშეკრულება მოქმედებს ჯარიმის თანხის სრულად დაფარვის მომენტამდე, ანგარიშსწორების ნაწილში საბოლოო ანგარიშსწორებამდე;

გ) წინამდებარე ხელშეკრულების **3.3.** პუნქტით განსაზღვრული ჯამური ღირებულების მთლიანად აუთვისებლობის შემთხვევაში შემსყიდველი პასუხს არ აგებს, აღნიშნულ შემთხვევაში ხელშეკრულების ჯამურ ღირებულებად ჩაითვლება ფაქტიურად ათვისებული თანხა, რაც ცალკე წერილობით შეთანხმებას აღარ საჭიროებს;

დ) არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

ე) თითოეული მხარე კისრულობს ვალდებულებას კეთილსინდისიერად შეასრულოს წინამდებარე ხელშეკრულებით ნაკისრი ვალდებულებები.

10.7. ხელშეკრულება შედგენილია ქართულ ენაზე, **2 (ორი)** ეგზემპლარად და ორივე ეგზემპლარს აქვს თანაბარი იურიდიული ძალა, აქედან **1 (ერთი)** ეგზემპლარი ინახება „შემსყიდველთან“, ხოლო **მეორე** ეგზემპლარი „შემსრულებელთან“.

მუხლი 11. დაუძლეველი ძალა (ფორსმაჟორი)

11.1. ხელშეკრულების პირობების ან რომელიმე მათგანის მოქმედების შეჩერება, „ფორსმაჟორული“ გარემოებების დადგომის შემთხვევაში, არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციებს;

11.2. ამ მუხლის მიზნებისათვის «ფორსმაჟორი» ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის და/ან შემსრულებლის შეცდომებსა და დაუდევრობასთან და, რომლებსაც გააჩნია წინასწარ გაუთვალისწინებელი ხასიათი ;

11.3. მხარეთა ვალდებულებები და პასუხისმგებლობა განახლდება „ფორსმაჟორული“ გარემოებების მოქმედების დასრულებისთანავე.

მუხლი 12. ინტერესთა კონფლიქტი

შემსყიდველის მხრიდან ხელშეკრულებაზე ხელმოწერი პირი და შემსრულებლის შერჩევაში მონაწილე პირ(ებ)ი, ასევე ხელშეკრულების პირობების შესრულების კონტროლის განხორციელებაზე უფლებამოსილი პირ(ებ)ი, „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად ადასტურებენ, რომ მათი მონაწილეობა აღნიშნულ შესყიდვაში არ იწვევს ინტერესთა კონფლიქტს.

მუხლი 13. დავათა განხილვის წესი

მხარეები ვალდებული არიან შეეცადონ ყოველგვარი დავა გადაჭრან ურთიერთმოლაპარაკების საფუძველზე. თუ მხარეები ვერ გადაჭრიან დავას ურთიერთშეთანხმების გზით, დავა განიხილება სასამართლოს მიერ.

მუხლი 14. მხარეთა იურიდიული მისამართები და რეკვიზიტები

„შემსყიდველი“

„შემსრულებელი“

აჭარის ა. რ. უმაღლესი საბჭო

ფ/პ „სალომე შავაძე“

მის.: დაბა ჩაქვი, მეგენიშვილის ქუჩა №25

მის.: ქ. ბათუმი, გორგასლის ქ. №140/144 ბ16

საიდენტიფიკაციო კოდი: 245 425 749

საიდენტიფიკაციო კოდი: 61001065533

სახელმწიფო ხაზინის ერთიანი ანგარიში

მიმღების ბანკი: სს „თიბისი ბანკი“

სახელმწიფო ხაზინის ბანკის კოდი: TRESGE22

ბანკის კოდი: TBCBGE22

ა/ა: GE93TB7847045063600005

აპარატის უფროსი:

შემსრულებელი:

----- ზურაბ ჭურკვეიძე

----- ს. შავაძე

2019 წლის 02 სექტემბრის №81 ხელშეკრულების

დანართი №1

(ლარი)

გადახდის პერიოდი	გადასახდელი თანხის ოდენობა
III კვარტალი	2950
სულ ჯამი:	2950

„შემსყიდველი“

აჭარის ა. რ. უმაღლესი საბჭო

მის.: დაბა ჩაქვი, მეგენიშვილის ქუჩა №25
საიდენტიფიკაციო კოდი: 245 425 749
სახელმწიფო ხაზინის ერთიანი ანგარიში
სახელმწიფო ხაზინის ბანკის კოდი: TRESGE22

„შემსრულებელი“

ფ/პ „სალომე შავაძე“

მის.: ქ. ბათუმი, გორგასლის ქ. №140/144 ბ16
საიდენტიფიკაციო კოდი: 61001065533
მიმღების ბანკი: სს „თიბისი ბანკი“
ბანკის კოდი: TBCBG22
ა/ა: GE93TB7847045063600005

აპარატის უფროსი:

----- ზურაბ ჭურკვეიძე

შემსრულებელი:

----- ს. შავაძე